

5. He gepellte Tiufel un'n Häring drbui,
Dat ies säo rächt waot füörn Duorst.
Un wät me ok dicke a'ne Tunne drbui
Dat helpt noa biätter a' Wuorst.
En Kruiksken Boier dat schmecket dann fuin
Viel schoiner ä Siuer un verduorwener Wuin.
Dann singet manch Männken un Wuif:
Wui kruiget wäier Erappel stuif!

6. Tau Pankouken un Soppe un frisk Geneise
Doa passet dei dicken un Huise
Bei annern, dei maket joa äok iähre Reise,
Wät giätten op allerhand Weise.
Bei schmecket seo lecker bui Piäpperpotthast
Segg mui moal 'n Gefriätt, woa se nit bui passt,
Dorüm singet manch Männken un Wuif:
Guott giewe uns doch Erappeln stuif!

Nach einem Diktat des 80jährigen Landwirtes
Schnücker in Deiringsen Kr. Soest, mitgeteilt von
Hauptlehrer Blesken, Bommerholz.

W. 5456

Deitingsen
K. Soest

Erappellied.
=====

1. Wat ies dat im Duorpe vüörn Laopen un Rennen
Nao Wagen, noa Säcken, noa Lui,
Dei Feldzug dei fenget ois an jou miet Schennen
Un jender ies sieker drbui.
Sei trecket miet Schiuten un Hacken int Feld,
Vertellt sich vam Gueren un Schlechten de Welt,
Un raupet bui jenden Bedruif:
Hurrah! Et giet Erappeln stuif!
2. Dei Fraului, dei wärt joe buim Liäsen fexeuert
Sei kruitet moist alle in de Inei,
Dann wärt mannig Schnäpsken dr bui probeuert.
Schoine Böllekes kriet me äok moel te seihn
Sei krasset un gruipt un kuert ä dull,
Alle Aogenblicke sind dann de Küörwe vull,
Dat ies doch en wahn schoin Bedruif:
Hurrah! Et giet Erappeln stuif!
3. Dat Erappelkriut, dat wät joe verbrannt,
Se maket en mannig groot Fuier,
Se niämet de Erappel frisk iut 'n Land
Un broat se ganz ohne Geschuier.
Miet Buetter un Soalt un Aske drbui
Sind dat nit wuoll guere, genuigsame Lui?
Se sind wärt, dat ick se beschruif.
Hurrah! Et giet Erappeln stuif!
4. Dei Erappel dei ies en ganz lecker Gefriätt,
São rächt für 'n arnen Mann.
Un wann de Männer keine Pennige hiätt,
Dann giet 't gluiks Schuiwen in de Pann.
Miett Uollge wat fettet, dat raiket ganz fuin,
Doa könn de Pastaoer wuoll Gast bui sein,
Dat giet moal wuier Stand in dat Luif.
Hurrah! Et giet Erappel stuif!

A 67 884 J. X.

wenden!